

Amalan hijau pastikan bandar raya kekal bersih

Amalan hijau masih kurang memuasakan dalam masyarakat. Isu pembangunan sampah, pembakaran secara terbuka, pelepasan asap secara haram, pembuangan sisa pepejal dan aktiviti lain rakus merosakkan alam sekitar tanpa kita sedari.



Dr Muhammad Saufi Che Rusuli

Hakikatnya, masyarakat perlu sedar kepentingan amalan hijau dalam memastikan sesebuah bandar kekal bersih dan terjaga. Nampak mudah, tetapi untuk mempraktikkannya bukan senang. Kecintaan terhadap alam semula jadi perlu dipupuk sejak kecil. Ibu bapa harus memainkan peranan menyemai kasih sayang anak terhadap alam sekitar.

Pada peringkat pelaksanaan, kerajaan sedar amalan hijau dapat memberi keseimbangan baik dalam memperbaiki ekosistem rosak akibat kemusnahan tangan manusia. Ini selaras Matlamat Pembangunan Lestari (SDG) menginginkan pertumbuhan hijau bagi meningkatkan kesejahteraan masyarakat untuk memastikan bandar didiami kekal bersih. Contoh bandar terbersih dunia adalah seperti di Switzerland, Perancis, Denmark, Sweden dan United Kingdom.

Menyerusi kajian dijalankan, pihak berkuasa tempatan (PBT) mempraktikkan budaya amalan hijau seperti penanaman pokok teduhan di sekitar pe-

jalan kaki, taman permainan, pokok hissan dalam bangunan dan tasik. Ia berperanan sebagai ejen penapis ke-pada pembebasan haba keterlaluan.

Oleh itu, amalan hijau ini perlu disambut baik seluruh masyarakat selalunya ejen utama memastikan persekitaran bandar raya kekal bersih. Di negara ini, terdapat bandar bersih contohnya, Muar dan Melaka.

Dalam usaha membendung jenayah alam sekitar ini, Unit Cegah Jenayah Alam Sekitar (UCJAS) ditubuhkan. Pautan ini bekerjasama dengan pelbagai agensi penguat kuasa menangani isu pencemaran secara menyeluruh dan praktikal.

Masyarakat digesa menjadi 'mata dan telinga' agar perkara merosakkan alam dapat cepat ditangani. Pelbagai pendaklan dilaksanakan pihak berwajib dalam bentuk poster, iklan, hebahan media dan pelbagai medium lagi bertujuan memberi maklumat pentingnya amalan hijau ini.

Antara langkah amalan hijau perlu dipraktikkan ialah ambil peduli. Setiap individu perlu peka dan ambil peduli perkara yang boleh merosakkan amalan hijau seperti penebangan hutan tidak terancang dan pembuangan sisa pepejal secara haram.

La haruslah dilaporkan terus kepada pihak berkuasa supaya dapat ditangani segera, sekali gus membantu PBT memantau aktiviti tidak bermoral ini daripada berterusan. Pembalakan haram sebagai contoh,

jika tidak dibendung antara penyebab tanah runtuh, mendapan, rekahan dan pelbagai lagi akibat buruk. Gunung dan bukit ibarat paku alam harus dipelihara, agar dapat memberi kestabilan terhadap bentuk muka bumi.

Individu dalam masyarakat juga perlu mematuhi arahan PBT dalam membantu meningkatkan amalan hijau di sesebuah bandar. Kompaun atau denda tinggi perlu dikenakan agar menjadi pengajaran. Undang-undang sedia ada perlu dipinda mengikut kesesuaian agar kekal relevan dan munasabah.

Selain itu, masyarakat juga perlu berkongsi idea dan cadangan. Dengan cara ini, sesiapa mempunyai idea bernas dapat membantu pelaksanaan agar manfaat amalan hijau dinikmati bersama.

Masyarakat perlu sedar, bukan mudah mengekalkan amalan hijau ini kerana jika tidak dipelihara, ia akan lenyap. Kita tidak mahu melihat bumi suatu hari nanti menjadi padang jarak,

padang tekkur.

Amalan hijau bukannya terletak pada penguat kuasa semata-mata, sebaliknya tanggungjawab sosial yang harus dipikul bersama semua golongan masyarakat sesebuah bandar.

Bandar tidak akan bersih jika tiada ejen, iaitu manusia yang membantu menangani pelbagai isu dan konflik untuk memastikan bandar terjaga. Usaha berturan kerajaan juga amat ditagih agar bandar di negara ini dikitiraf sebagai bandar raya bersih dunia setaraf negara luar.

Penulis adalah

Pensyarah Kanan
Fakulti Keusahawanan
dan Perniagaan
Universiti Malaysia
Kelantan (UMK)

